

Na osnovu člana 40. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj 86/07 i 24/09), člana 46. Zakona o budžetima u Federaciji BiH („Službene novine Federacije BiH“, broj 19/06) i člana 2., stav 1, tačka 8. Statuta Općine Zavidovići („Službeni glasnik Općine Zavidovići“, broj 5/08 i 5a/08), Općinsko vijeće Zavidovići na 13.sjednici održanoj 08.08.2009.godine, donosi

## **O D L U K U**

### **O PRIHVATANJU KREDITA EVROPSKE INVESTICIJSKE BANKE (EIB) ZA PROJEKAT VODOVOD I KANALIZACIJA U FBIH**

#### **I**

Prihvata se zaduženje Općine Zavidovići po kreditu Evropske investicijske banke (EIB) za Projekat vodovoda i kanalizacije «Koncepta projekta rješavanja vodosnabdijevanja grada Zavidovići i koncepta rješavanja tehnoloških i fekalnih voda kanalizacionog sistema općine Zavidovići», u daljem tekstu: Projekat) u iznosu od 3.340.000,00 EUR.

#### **II**

Za potpisivanje posebnog ugovora o prenosu kreditnih sredstava po Projektu između Federacije Bosne i Hercegovine i Općine ovlašćuje se načelnik općine.

#### **III**

Kreditna sredstva iz tačke I ove Odluke namijenjena su za realizaciju dijela Projekta – faza: izmjena azbest-cementnih cijevi magistralnog voda, ugradnja filterskih postrojenja i drugi poslovi vezani za ovaj projekat, odobravaju se pod slijedećim uslovima:

- rok otplate: .....25 godina (uključen grace period)
- grace period:.....6 godina
- kamatna stopa:.....fiksna ili varijabilna (dogovara se prije isplate tranše)
- broj tranši..... 20
- dospijea.....polugodišnja ili godišnja (dogovara se prije isplate tranše)

#### **IV**

U svrhu redovne otplate kredita Općina Zavidovići je saglasna da se Federacija Bosne i Hercegovine, u slučaju neispunjenja preuzetih obaveza, bez upozorenja, direktno naplati sa računa javnih prihoda Federacije Bosne i Hercegovine, i to iz dijela prihoda koji pripadaju Općini Zavidovići.

Općina Zavidovići će izdati bjanko potpisane i ovjerene mjenice sa ovlaštenjima za popunu, u skladu sa ugovorom iz tačke II ove Odluke, koji će biti potpisan između Federacije Bosne i Hercegovine i Općine Zavidovići.

**V**

U periodu implementacije Projekta predviđena je kontribucija Općine u iznosu od 3.340.000,00 EUR. Ova kontribucija će se sastojati od svih domaćih budžetskih alokacija i sa tim vezanih izdataka na projektne aktivnosti i/ili od drugih kreditnih zaduženja.

**VI**

Za izvještavanje i realizaciju ove Odluke zadužuju se Općinski načelnik i nadležne službe, svako u okviru svoje nadležnosti.

**VII**

Ova odluka stupa na snagu narednog dana od dana objavljivanja u „Službenom glasniku Općine Zavidovići.“

OPĆINA ZAVIDOVIĆI  
- OPĆINSKO VIJEĆE -

Broj: 01-14-3388/09  
Datum, 08.08.2009.godine

PREDSJEDAVAJUĆI  
OPĆINSKOG VIJEĆA

ing Radosav Petrović